

元和郡縣志卷十三

唐 李吉甫 撰

河南道八

海州 東海上

開元戶二萬三千七百二十八 鄉四十
案元和戶鄉數傳寫缺

禹貢徐州之域春秋時魯國之東鄙七國時屬楚秦置三十六郡以魯為薛郡後分薛郡為郟郡漢改郟為東海郡領三十七縣理在郟縣屬徐州後漢以為東海國封皇子疆為王晉惠帝封高密王子越為東海王梁武

元和郡縣志

卷十三

一

帝末年長江以北悉附後魏武定七年改青冀二州為海州高齊文宣帝移海州理琅琊郡改琅琊郡為朐山郡隋末喪亂臧君相竊據之武德四年君相以郡歸順

改為海州

州境 東南西北里數傳寫缺

八到 西至上都取沂兗路三千五百里

東南至揚州七百里一十里

東南至泗洲連水縣取官河水路三百四十里陸路二百五十里

西北至徐州取下邳路五百六十里

北至密州三百八十四里
東至海二十里

貢賦

開元貢賦

楚布絹

管縣四

胸山 東海 沐陽 懷仁

胸山縣

上郭下

本漢胸山縣也屬東海郡後周武帝建德六年改胸山縣爲胸山郡取界內胸山爲名也隋開皇三年廢郡縣屬海州

羽山在縣西北一百里書曰殛鯀于羽山卽此也

元和郡縣志

卷十三

二

碩濩湖在縣南一百四十二里

龍且故城在縣南六十里

鍾離昧故城在縣南百里項羽將鍾離昧所築昧卽此縣人

東海縣

上西至州水路九十里

本漢贛榆縣地俗謂之鬱州亦謂之田橫島宋明帝失淮北地乃于鬱州上僑立青州地後入魏魏改青州爲海州又于此置臨海鎮高齊廢臨海鎮周武帝復置東海縣後遂因之

小高山在縣北六十里田橫弟避漢所居之山也其山三面絕壁皆百餘仞惟東面一道劣容行人大海在縣東二十八里

贛榆故城在縣北四十九里隋末土人臧君相築

田橫國在縣北五十七里齊王田廣既死田橫乃代立爲王與灌嬰戰于贏下橫敗走與其屬五百人入居海島卽此也

沭陽縣

中東北至州一百六十里

本漢厚丘縣地宋文帝元嘉四年于此置縣屬南彭城

元和郡縣志

卷十三

三

郡至太清二年地入魏孝靜帝改爲沭陽郡在沭水之陽故以爲名仍于郡東置懷文縣周武帝改懷文縣爲沭陽縣

沭水西自下邳縣界流入經縣南十步

碩濩湖在縣東八十里與朐山連水三分湖爲界

懷仁縣

中東南至州九十里

本漢贛榆縣地梁于此置北海郡後魏改置義唐郡隋開皇初廢郡移懷仁縣理于此改屬海州

贛榆故城一名鹽倉城在縣東北三十里漢舊縣也屬

琅琊郡

沂州 琅琊中

開元戶二萬七千四百 鄉五十五
元和戶鄉數傳寫缺

禹貢徐州之域春秋時為齊地秦并天下置琅琊郡因琅琊山以為名也漢因之高后立營陵侯劉澤為琅琊王文帝元年徙澤為燕王以琅琊為郡晉武帝咸寧二年改封東海王睿為王王即帝位于江東是為東晉元帝元帝于郡城置發千戍以南軍鎮之自永嘉之後琅琊陷于胡寇成帝于丹陽江乘縣界別立南琅琊郡至

元和郡縣志

卷十三

四

宋武得河南尋又沒于後魏莊帝置北徐州琅琊郡屬焉周武帝改北徐州置沂州以州城東臨沂水因以名之隋大業十三年亂離郡為徐圓朗所破武德四年討平圓朗復置沂州

州境 東三百二十九里
西三百二十九里
南四百二十里
北四百二十里

八到 西至上都二千四百七十五里
西至上都二千四百七十五里
東至東都一千四百七十五里

東南至海州二百三十里
西至竟州三百八十里

東南至泗州四百七十七里
北至青州四百五十里

西至密州三百七十里
東至徐州三百七十里

西北至淄州五百三十里

貢賦

開元貢賦

紫石英
綿絹

黃銀

管縣五

臨沂

沂水

費

承

新泰

臨沂縣

上郭下

本漢舊縣也屬東海郡東臨沂水故名之後漢改屬琅

琊國晉屬琅琊郡高齊省隋開皇末復置屬沂州

羽山在縣東南一百一十里與海州朐山縣分界

沂水東去縣一里

元和郡縣志

卷十三

五

王僧辯城在縣東北五十里梁將王僧辯屯兵于此

王導故宅在縣東北三十八里

沂水縣

上南至州二百里

本漢東莞縣卽春秋莒魯所爭之鄆邑也城陽姑幕縣

南有員亭卽鄆也俗變其字耳後魏孝文帝于此置新

泰縣隋開皇四年改爲東安縣十六年又于古蓋城別

置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里管仲曰賜我先君履南至

于穆陵是也

大峴山在縣北九十里宋高祖非伐慕容超大將公孫五樓說超曰吳兵輕銳難與爭鋒宜斷大峴使不得入上策也超曰引使過峴我以鐵騎蹙之此成擒耳不從宋高祖兵遂得入初是役也或曰彼若嚴守大峴軍無所資何能自返高祖曰鮮卑性貪且愛其穀必將引我兵一入大峴吾何患焉及師過大峴高祖喜曰天贊我也遂大破之伍緝之從征記曰大峴去半城八十里直度山二十五里崖坂峭曲石經幽危四岳三途不是過元和郡縣志

卷十三

六

也
靄山在縣西北二十八里出紫石英好者表裏映徹形若靄狀故名靄山今猶入貢

成平公營在縣北百五十六里周武帝拔鄴城齊王高緯先送其母妻于青州是日緯率千騎走青州周遣大將軍成平公尉遲勤率二千騎追之擒緯于青州南之雙溝周因授以青州總管立碑紀功

費縣

上東南至州九十里

古費國也隱公元年傳曰費伯帥師城郎後爲魯季氏

之邑至漢爲費縣屬東海郡自宋至隋皆屬琅琊郡大業末爲賊潘當所破武德四年重置屬沂州蒙山在縣西北八十里楚老萊子所耕之處東蒙山在縣西北七十五里論語曰夫顓臾昔者先王以爲東蒙主

南城縣城在縣南九十里史記齊威王使檀子守南城則楚人不敢爲寇是也

承縣

上東北至州一百八十五里

本漢之承縣春秋時鄆國也屬東海郡隋開皇三年罷

元和郡縣志

卷十三

七

郡承縣屬徐州大業十三年縣爲山賊左君衡所破武德四年又于此置鄆州又改蘭陵縣爲承縣貞觀八年廢鄆州縣屬沂州縣西北有承水因以名焉

抱犢山在縣北六十里壁立千仞頂寬而有水此山去海三百餘里天氣澄明宛然在目昔有遁隱者抱一犢于其上墾種故以爲名山高九里周迴四十五里

蘭陵縣城在縣東六十里史記曰荀卿以儒者適楚楚春申君以爲蘭陵令因家焉

縣界有陂十三所竝貞觀元年以來修立以溉田焉

新泰縣 上東南至州二百六十三里

春秋時魯平陽邑也宣公八年城平陽晉武帝泰始中
鎮南將軍羊祜此縣人也表改爲新泰縣屬泰山郡隋
開皇四年屬莒州大業二年廢莒州以縣屬沂州
蒙山在縣東南八十八里書曰蒙羽其藝
障山在縣東八十里出銷石石腦炬火等石居人常採
爲貨

萊州 東萊下

開元戶二萬三千一百五 鄉四十三
案元和戶鄉數傳寫缺

元和郡縣志 卷十三 八

禹貢青州之域卽古萊子國也齊滅之遷萊子于郕在
齊國之東故曰東萊漢高帝四年韓信虜齊王廣分齊
郡置東萊郡領縣十七理掖縣屬青州後魏獻文帝分
青州置光州取界內光水爲名隋開皇二年改光州爲
萊州隋末陷賊武德四年討平綦順復爲萊州

州境 東西北西二百四十八里

八到 西南至上都二千九百六十里

東北至登州二百四十五里
正南至微西至密州三百四十五里

西北至大青州三百四十五里

貢賦 開元貢 黃銀 綿 文蛤 滑石器
賦 絹 黃銀 綿 文蛤 貨布 牛黃

管縣四

掖 卽墨 昌陽 膠水

掖縣 上郭下

本漢舊縣也屬東萊郡按掖水出縣南三十五里寒同
山故縣取爲名隋開皇三年罷郡屬萊州

萬里沙在縣東北三十里郊祀志武帝元封元年大旱
禱萬里沙

浮游島在縣西北四十里遙望島在海中若浮游然故

元和郡縣志 卷十三 九

名

海水在縣北五十二里

膠水西去縣七十五里

海神祠在縣西北十七里

卽墨縣 中西北至州二百六十三里

本漢舊縣屬膠東國城臨墨水故曰卽墨高齊文宣帝
併入膠水縣隋開皇末又于此置卽墨縣屬萊州

大勞山小勞山在縣東南三十八里晏謨齊記曰太白
自言高不如東海勞昔鄭康成領徒于此

壯武故城在縣西六十里晉封張華爲壯武侯
海在縣東四十三里又在縣南百里

昌陽縣上

西北至州一百九十九里

本漢舊縣也屬東萊郡置在昌水之陽故名昌陽有鹽
官隋開皇三年罷郡昌陽縣屬萊州

黃銀坑在縣東百四十里隋開皇十八年牟州刺史辛
公義于此坑冶鑄得黃銀獻之大業末貞觀初更沙汰
得之

奚養澤在縣西北四十里周禮職方氏幽州其澤藪曰

元和郡縣志

卷十三

十

奚養

膠水縣

中北至州一百里

本漢膠東國之地後漢省膠東國爲膠東縣屬北海國
後魏屬北海郡隋開皇三年罷郡屬萊州仁壽元年改
爲膠水縣

卽墨故城在縣東南六十里古東齊之地史記蘇秦曰
齊東有琅琊卽墨之饒此其處也齊潛王時燕將樂毅
伐齊下七十餘城惟莒卽墨不下田單設奇策破燕軍
迎襄王于莒盡復齊地封單爲安平君漢書曰漢元年

項羽徙齊王田市于卽墨爲膠東王田榮怒殺市于卽墨自立爲王遂併三齊之地漢膠東郡領八縣理卽墨卽此城也

平度故城在縣西北六十七里城西北有土山古今煮鹽處

淄州 淄川上

案開元元和戶三萬七千四百四鄉七十一

禹貢青州之域周之九州爲幽州之境職方氏幽州其浸菑時州蓋取淄水爲名也春秋及戰國時屬齊秦爲

元和郡縣志

卷十三

十一

齊郡之地在漢爲濟陰郡之般陽縣也隋開皇十六年于今理改置淄州隋亂陷賊武德元年重置淄州

州境 東西南北一百一十八里

八到 西南至東都一千四百三十五里

東至青州一百二十里

東北至沂州五百一十里

貢賦 開元貢賦 綿防風絹 理石粟

管縣五

淄川 長山 鄒平 濟陽 高苑

淄川縣 上郭下

本漢般陽縣也屬濟南在般水之陽故名後漢屬齊國
晉省宋于此置貝丘縣隋開皇十八年改貝丘爲淄川
縣屬淄州

淄水出縣理東南原山去縣六千里俗傳禹治水功畢
土石黑數里之中波流若漆故謂之淄水

辰山縣 上東南至州六十四里

本漢於陵縣地也宋武帝于此立武強縣隋開皇十八
年改武強爲長山縣取長白山爲名屬淄州武德元年

元和郡縣志

卷十三

十二

置鄒州縣又屬焉八年廢鄒州依舊屬淄州

長白山在縣西南四十里

濟水西北去縣三十五里

鄒平縣 上東南至州一百一十里

本漢舊縣也屬濟南郡隋開皇三年自梁鄒城移平原
縣入鄒平城屬齊州今理是也十六年改屬淄州十八
年改平原縣爲鄒平縣復舊名也

黃河西北去縣八十里

濟水南去縣三十五里

濟陽縣 上東南至州九十四里

本漢梁鄒縣也屬濟南郡隋又于後漢梁鄒城地置齊南縣大業二年省景龍元年于漢梁鄒城置濟陽縣屬淄州

八會津在縣南一里相傳水陸所湊其路有八故名濟水在縣南又東北入高苑縣界

高苑縣 上南至州一百一十里

本漢舊縣也屬千乘國後漢屬樂安國宋于此置長樂縣屬渤海郡十八年改爲會城縣隋大業三年改爲高

元和郡縣志 **卷十三** 十三

苑縣取縣東南高苑故城爲名隋末陷賊武德元年重置高苑縣屬鄒州八年廢鄒州縣屬淄州

濟水北去縣七十步

千乘故城在縣北二十五里漢千乘國也

登州 東牟中府

案開元戶二萬八千五百三十三 鄉三十六
元和戶鄉數傳寫缺

禹貢青州之域古萊子之國春秋齊侯滅萊至漢爲東萊郡之地後魏孝靜帝分東萊于黃縣東一百步中郎故城置東牟郡高齊廢隋開皇三年改置牟州大業三

年廢武德初又置因文登縣人不從賊黨遂于縣理置

登州

州境東西北西一百六十五里

八到西南南至上都二千一百四十里

東南至文登縣界四百九十里

南至大州昌陽二百里

西至海三里當中國往新羅渤海過大路

正北微東至大海北岸都里鎮五百二十里

貢賦開元貢布牛黃 水蔥席

元和郡縣志

卷十三

十四

管縣四

蓬萊 牟平 文登 黃

蓬萊縣中郭下

本漢黃縣之地屬東萊郡昔漢武帝于此望蓬萊山因築城以蓬萊為名在黃縣東北五十里貞觀八年于此置蓬萊鎮神龍三年析黃縣置蓬萊縣在鎮南一里即今登州所理是也

牟平縣中西至州二百里

本漢縣也屬東萊郡有鐵官鹽官在牟山之陽其地夷

坦故曰牟平漢書齊悼惠王子將閭爲牟平侯後屬萊州武德四年于中郎城置牟州牟平縣屬焉貞觀元年牟州及縣俱廢麟德二年析文登縣于此重置牟平縣屬登州

文登縣

上西北至州一百二十五里

本漢牟平縣也屬東萊郡高齊後帝分牟平置文登縣屬長廣郡取縣界文登山爲名隋開皇三年廢辰廣郡文登縣屬萊州武德元年改屬登州

之罘山在縣西北一百九十里史記曰秦始皇二十九年登之罘刊石紀功封禪書曰齊有八祠之罘爲陽主

元和郡縣志

卷十三

十五

卽此
成山在縣東北百八十里史記曰始皇二十九年又東遊登成山升之罘勒石紀功郊祀志曰齊有八祠成山爲曰主封禪書曰七曰日主祠成山

文登山在縣西北九十里
海在縣南六十里縣東一百八十里三面俱至于海縣

東北海中有秦始皇石橋今海中時見有堅石似柱之狀

東牟故城在縣西北一百十里漢高后二年封齊悼惠王子興居爲侯

不夜故城在縣東北八十五里屬東萊郡春秋時萊子所置初築此城有日夜出故名之

黃縣 中東北至州九十里

本漢舊縣也屬東萊郡隋開皇三年罷郡屬萊州武德四年屬牟州神龍三年置登州黃縣割屬焉漢書曰秦欲攻匈奴運糧使天下飛芻輓粟起于黃睡琅琊負海之郡轉輸北河率三十鍾而致一石 黃卽今黃縣睡卽今文登縣屬東萊

元和郡縣志

卷十三

十六

郡睡直瑞反北河朔方以北六斛四斗曰鍾計道路所費凡百九十二斛乃致米一石

萊山在縣東南二十里封禪書曰齊之八祠六曰月主祠之萊山

故黃城在縣東南二十五里古萊子之國春秋傳曰齊侯滅萊杜注曰今萊黃縣是也

大人故城在縣北二十里司馬宣王伐遼東造此城運糧船從此入今新羅百濟往還常由于此

蓬萊鎮在縣東北五十里

海瀆祠在縣北二十四里大人城上

元和郡縣志卷十三

元和郡縣志

卷十三